

Melele in jiban ñan am kōjermal Wi-Fi ko ilobelej

Ro renana mwilier remaron lewaj jorren online. Ritti ijin lal ñan jet melele in jiban ñan am lomnak kake ilo am kōjermal Wi-Fi ko ilobelej.

Ñan kōmadmōde ajededin Coronavirus im an kilok bijnej im library ko, elōñ iad elablok ad bed online. Kin mennin, jemaron aikuj kōjermal Wi-Fi ko an ilobelej ñan ad maron kōjermal internet. Elañe kwōnaj loe ke kwōj aikuj Wi-Fi ko ilobelej, jout im lomnak in loor rōjañ ko jen Chief Privacy Officer eo an state ñan jiban kejbarok melele ko am:

1. Kamool ejimwe network eo am.

Loloorjak kwōj koneek ñan network eo ejimwe. Armij ro renana mwilier remaron kōmman network ko einwot rejab nana ekkar ñan ettaer bōtab rej liakelok kwe ñan am kobalok ñan juon network emoj kōmmane bwe en lale ta ko kwōj loi ilo internet. Melelein mennin ej ilo ien am kadrelon melele ko am ak password ñan website ko, rikoot eo emaron naj koote melele ko am. Ñan kejbarok jen wewein in, lukkun ritti etan network eo im elañe kwōmaron kajitok ibben juon rijermal ak lale melele ko an bijnej eo emoj aer kwalok ñan loloorjak emool network eo.

Network ko elab jelā kaki, einwot ro an bijnej in kobe ko, edriklok ad lomnak enaj wor jorren kinke kombani eo ej jermal ilo juon network ej mōttan bijnej eo aer. Network ko jejelā kaki ekkā aer lablok kejbarok jen Wi-Fi network ko ejellok wonnier im rej walok ilo talebon eo am ilo juon jikin ilobelej.

2. Kwine an kaju koneke (auto-connect).

Elōñ kein jermal kabel ko (smartphone, laptop, im tablet ko) ewor jikin kaju koneek. Jikin in ej kōmelim an kein jermal kabel eo am bidodo an kaju koneek ñan network ko iturim. Mennin emmon ibben network ko rejlōki, bōtab emaron bar koneeke kein jermal kabel eo am ñan network ko rejab kwōn. Kwōmaron kwine wewein in ilo jikin eo an “settings” ilo kein jermal kabel eo am. Kwine wewein kein, elabtata lo ien am ito-tak im bed ilo jikin ko kwōjab iminene in bed ie. Ñan am kōlablok am kejbarok, kwōmaron kelet “forget network (meloklok network)” alikin am kōjermal Wi-Fi eo ilobelej.

Kwōj bar aikuj lale Bluetooth eo nejum ilo ien am bed ilobelej. Am kobalok kin Bluetooth ej kōmelim elōñ kein jermal kabel ko bwe ren kebaak doon, im juon rikoot emaron lale jeknōl ko rebellok an Bluetooth ko ñan aer dreloñe kein jermal kabel ko am. Liket kelet in ilo talebon eo nejum im kein jermal kabel ko jet am bwe ren kwin ilo ien am bed ijoko kwōjab iminene kaki.

3. Kwine am kajeded bael.

Loorjak am kwine kelet in kajeded bael ilo ien am kōjermal Wi-Fi ko ilobelej. Jemaron kwine kajeded in bael jen ekelel ko an ilo kein jermal eo ak control panel eo, enaj ekkar ñan kōmadmōdin kein jermal eo am. AirDrop ej juon waanjonok kwōj kelet in kajeded bael im kwōnaj kōnaan kwine. Jet kōmadmōdin jikin jermal ko einwot Windows/PC renaj kwine kajeded bael ñan kwe ilo am kelet “public” ilo ien eo kein kajuon am kobalok ñan juon network an ilobelej .

Laajrak kin wewein kwine am kajeded bael

Ilo PC:

1. Etal ñan Network im Sharing Center.
2. Innem ukote advanced sharing settings (jikin ko relablok wewein kajeded).
3. Kwine file im printer sharing.

Ñan Mac ko:

1. Etal ñan System Preferences (Ekelel in Jikin Jermal jermal eo).
2. Kelet Sharing (Kajeded).
3. Jab kelet jabdrewot.
4. Innem ilo Finder, jibed AirDrop, innem kelet Allow me to be discovered (kōmelim aer loe na) ilo: No one (Ejellok).

Ñan iOS, bukot AirDrop ilo Control Panel eo innem kwine.

4. Kōjermal juon VPN.

Lomnak am liket juon VPN (Virtual Private Network) ilo kein jermal kabel eo am. Juon VPN ej ekelel eo elabtata an naj kejbarok ñan an jab ajeded melele ilo Wi-Fi ko ilobelej. Ej kejbarok melele ko am ilo an etal ñan im jen kein jermal kabel eo am im ej jermal einwot juon jikin bōbrae bwe melele ko am renjab walok ilo aer ito-tak ilo network eo.

5. Kōjella jen FBI kin website ko emoj kejbaroki – HTTPS.

Emoj an FBI kōjellakin website ko ewor atorej ej jino kin “https.” An walok “https” im bija in lak rej aikuj kwalok ke emoj kejbarok kōmadmōd ko ilo web im rilotok ro enaj kejbarok aer kajeded melele. Bōtab, criminal ko online rej kio kejeon in lōke armij ro ilobelej ilo aer kadeel armij ñan website ko rejab mool im rej likit https im kwalok ke ewor kejbarok ak rejab.

Rōjan ko jen FBI:

- Jab kaju lōke at eo ilo juon email: kajitok wunin kobban email eo.
- Elañe kwōnaj loe juon email ewor am lomnake ke ejab mool kin juon link kwōjab jelā melele in kebaak eo, kamool ke majej eo emool ilo am kirluk ak email ae lok armij eo. Jab kaju reply ñan juon email ewor am lomnak kake.
- Lale ñe ewor bwod in jibel ak domain ko rebwod iluan link eo (waanjonok, ñe atorej eo aikuj jemlok kin “.gov” enaj jemlok kin “.com”).
- Jab lōke website ko kinke ewor bija in ak “https” ilo browser in jikin atorej eo.

6. Emoj rōjañ bwe kwōnjab kōbellok melele ko rejab aikuj ajeded.

Jekdron ñe ewor am VPN ej wor wot rōjañ bwe kwōn jab kōbellok akkoun in bank ko am, ak melele ko am make rejab aikuj ajeded einwot nomba in social security ilo network ko ilobelej rejab kwōn. Network ko ilobelej rekwōn remaron bar wor uwōta kaki. Kōjermal lomnak eo am emmontata ilo ien eo kwōj aikuj kōbellok akkoun kein ilo Wi-Fi ko ilobelej. Ñan kōmadmōdin jaan ko, emaron emmon lok kōjermal hotspot eo ilo smartphone eo nejum.

7. Kwōn im jab kwōn.

Ewor ruo kine Wi-Fi network ko ilobelej: Kwōn im jab kwōn.

Ilo jabdrewot ien kwōmaron koneek ñan juon network ilobelej ekwōn. Juon network ejab kwōn emaron koneek ñan jabdrewot kine jikin eo ekwōn einwot juon password ak login. Juon network ekwōn ekkā an aikuj bwe user eo an errā kin kōmelele im laajrak ko, register ie juon akkoun, ak taipwi juon password mokta jen an koneek ñan network eo.

8. Likit kōmelim in firewall eo am.

Elañe kwōj kōjermal laptop eo am, likit kōmelim in firewall eo am ilo ien am kōjermal Wi-Fi ko ilobelej. Juon firewall ej jermal einwot juon kein kōjenollok ej kejbarok kein jermal kabel eo nejum jen kein kōjorren ko. User ro remaron jab kōmelim firewall in Windows kinke men ko rej make walok im kōjella ko innem meloklok kaki. Elañe kwōkōnaan bar kajo juon PC, innem etal ñan Control Panel, “System and Security” innem kelet “Windows Firewall”. Elañe kwōj juon user in Mac, etal ñan “System Preferences”, innem “Security & Privacy”, innem batin eo an “Firewall” ñan kōmelim mennin.

9. Kōjērbal antivirus software.

Im bar loloorjak am likit melele eo ekaal tata an burokraam in antivirus eo ilo laptop eo nejum. Burokraam in Antivirus ko remaron jiban kejbarok kwe ilo ien am kōjērbal Wi-Fi eo ilobelej ilo an kwalok kein jorren ko remaron drelone jikin jērbal eo am ilo ien am kōjērbal network ko ibben ro jet. Juon kōjella enaj walok ñan ba woj ñe ewor virus ko rejelā kaki emoj aer bed ilo kein jērbal kabel eo nejum ak elañe ewor jabdrewot makitkit ewor am lomnak kake, kein itaak, ak kein jorren edrelon ilo jikin jērbal eo am.

10. Kōjērbal ruo wewein ak elōn wewein ñan kamool.

Kōjērbal elōñ wewein kamool (MFA) ilo ien am drelone website ko kin melele ko am make. Melelein mennin ewor am kōkkaale in kein kamool kein karuo (emoj text waj ñan talebon eo nejum ak ear iwoj ilo juon app ak ki) im ej kōlablok an kejbarok kwe. Im jekdron ñe juon rikoot enaj bōk username im password ko am, reban maron loi akkoun ko am ilo an ejellok kōkkaale in kein kamool.

11. Lale im etale kein jērbal kabel ko am.

Jab likit laptop, tablet, ak smartphone eo am ilo jikin ko ilobelej ak iloan wa. Jekdron ñe kwōj ebōk kejbarok ilo juon network in Wi-Fi, eban kōbōjrak an juon armij bōke men eo mweium ak loe melele ko am. Jelā kin men ko ibelakim im kin armij ro kwōj bed iturier.

12. Melele in jiban ko jet ikijen kejbarok ilo ien am bed online.

Eñin ej jet melele in jiban ñan am kejbarok ilo ien am bed online, elabtata ñe kwōj kōjērbal Wi-Fi ilobelej ñan koneek:

- Kōjērbal password ko rekajur.
- Kejbarok kein jērbal kabel ko nejum.
- Jelā kin email ko rej kajeon ebōk melele ko am.
- Lukkun lale ta ko kwōj likit ilo social media. An lab melele ko make kwōj kwalok emaron jiban an rikoot ko kajidedeiki password ko am.
- Jolok melele ko remoor im ejako am aikuji.
- Elañe juon network enaj kajitok am likit bar jet software ak mōttan browser ko jab koneek.
- Loloorjak kein jiban ko rekaal tata im kōkkaal in software emoj am likit ilo kein jērbal kabel ko nejum ñan bōbrae jen abōnōnō kein.